

地 聖  
截 德  
菩 大  
薩 觀

演音敬題



# 地藏菩薩聖德大觀序

永寧大華嚴寺沙門弘一演音敬撰

後二十一年歲次壬申九月。余居峙山。上海李圓淨居士來書。謂將助編九華山志。屬爲供其資料。自惟剌染已來。至心歸依地藏菩薩。十又五載。受恩最厚。久欲輯錄。教迹流傳於世。讚揚聖德。而報深恩。今其時矣。後二月。雲遊南閩。住萬壽巖。乃從事輯錄。都爲一卷。題曰地藏菩薩聖德大觀。將付書局。別以刊布。并貢諸圓淨居士備採擇焉。

近代緇素讚述菩薩化蹟等書。已有數帙。然其取材。多據本願一經。今則徧探大藏。并及諸家撰述。前詳言者。今略指之。如本願大旨。及九華垂迹等是也。前闕遺者。今補集之。如餘諸文等是也。惟所憾者。余於十數年來。凡菩薩化蹟。見於大藏及諸家撰述。雖復留意。未嘗勦錄。今以疾遽屬稿。不獲徧檢。唯就其憶及者。略集一卷。未免有所遺忘耳。

大分十章。第一章譯名辨異。以諸經傳譯地藏名號。文字小有增減不同。今爲列

舉示其差別。第二章十輪經大旨。提挈經義。錄寫較詳。序品讚地藏菩薩功德之文。錄者尤繁。惟願見聞。皆大歡喜。同生深信。至心歸依。第三章占察經大旨。亦詳錄之。第四章本願經大旨。唯依閱藏知津。錄寫綱要。并錄付囑經文二節。以示我等。今日得受化度之因。第五章法身讚及儀軌大旨。并滅定業真言。第六章他經流傳。第七章諸家章疏。第八章諸家懺儀。第九章諸家讚述。靈峯讚地藏菩薩別集。錄其原文有十之九。共涉十紙。可見蕩益大師一生銘心瀝血。歸信讚揚之迹。惟冀後之學者。承斯遺範。精進修持。紹隆而光大焉。第十章問答遺疑。唯有四問。當不止此。且從闕略也。

錄寫之時。亦以倉卒不及詳斟。故其布列形式。高下未能盡善。具錄全文者。低二格寫。撮錄原文大意及引文片段者。皆頂格寫。微示區別。惟錄寫經文而低二格。非是尊經之道。良用悚懼。未能釋懷。而又別無善法。可以變易。且俟當來。重復輯錄。假以歲月。審慎斟定。或可無大過耳。

是稿成就前二日。盧世侯居士。割指滴血。繪地藏菩薩聖像一尊。捧奉入山。勝緣巧



值。誠。不。思。議。謹。以。寫。影。冠。於。卷。首。盧。居。士。一。字。虬。兒。善。繪。畫。隨。侍。老。父。旅。居。思。明。天。性。醇。厚。事。兩。親。以。孝。聞。殆。亦。多。生。已。來。常。受。地。藏。菩。薩。教。化。者。耶。

壬申十二月二十六日。輯寫既竟。悲欣交集。敬挈撫  
萬益大師續持迴向偈中四偈。而爲發願迴向。

我。誓。以。身。心。奉。上。地。藏。主。隨。於。刹。塵。劫。永。處。衆。苦。中。  
普。代。衆。生。苦。令。得。先。成。佛。劫。石。或。可。移。此。願。終。不。改。  
我。所。修。福。業。懺。悔。發。宏。願。種。種。勝。善。根。體。性。同。法。界。  
一。一。皆。迴。向。普。施。諸。含。識。悉。願。證。眞。常。同。歸。寂。光。土。

南無地藏菩薩摩訶薩



金振卿一千本劉廉生陳飛胥周贊文各一百本王心湛徐德春謝懋哉合二百七十本朱子勉五十本許善齋四十本許戴慧懿周友蘭林安定無名氏譚君賓蔣洪元余桂芬金賢生梁鏡湖吳雲生胡瑞楡歐少棠鄒蔚生盛子道朱光琪汪通甫黃中疆朱文奎但昭聲黃照青王孟范吳石天王善鈞吳建伯韓習卿各二十本隱名氏廿五元陸志乾錢本如秦梅舫各十元吳潔忱諸筱甫袁仲謙方仰如黃希文黃常化黃常度潘志文丁素琴沈本瑛陸淵雷陳懷真各五元黃幼希胡綏之胡寄塵各二元聶雲臺二十元顧勝嚴八元蔡契誠四元李紹蓮夏丐尊豐子愷李圓淨合助排工等三十元佛學書局一千七百本

●願以此功德消除宿現業增長諸福慧圓成勝善根所有刀兵劫及與饑饉等悉皆盡滅除人各習禮讓一切出資者展轉流通者現眷咸安樂先亡獲超昇風雨常調順人民悉康寧法界諸含識同證無上道陳无我李圓淨募校畢普為迴向謹識

汪一鴻一鳴印施本書八百冊迴向

先母汪袁蘊玉太夫人

蕭銓麟印施本書二百冊迴向

先母蕭魏太夫人

朱文奎印施本書一百冊迴向

先父朱景芳公先母姚太孺人

願仗 三寶威神宿障冰銷早生安養見者聞

者同增福慧

張文江印施本書一百冊願少病少惱業銷智朗

印 送 品

印 重 迎 歡

民國廿二年四月初版八千冊

〔流通處〕 流通價每冊八分

佛學書局

- (一) 上海膠州路七號
- (二) 上海開北新江路
- (三) 上海麥特赫司脫路
- (四) 長沙玉泉街七十號

〔印刷兼藏版處〕

國光印書局

上海新大沽路南成都路口

# 地藏菩薩聖德大觀

永寧大華嚴寺沙門弘一演音敬述

## 第一章 譯名辨異

梵名乞叉底蘖沙。此云地藏。而諸經譯傳。亦有增文。列舉如下。

**地藏菩薩** 此為諸經論通譯之名。地藏之義。如明滿益大師占察善惡業報

經疏廣釋。

**大地藏菩薩** 出晉譯大方廣佛華嚴經入法界品。

**持地藏菩薩** 出西秦譯佛說羅摩伽經。即是入法界品別譯。

**地藏王菩薩** 出唐譯大乘本生心地觀經。清來舟釋云。主執幽冥。隨願自

在。故尊為王。然王義甚廣。此釋未能盡也。

## 第二章 十輪經大旨

以下三章大旨。皆依明滿益大師閱藏知津文而增減之。

此經共有兩譯。

**佛說大方廣十輪經** 八卷 出北涼錄失譯人名 與後同本。而文缺略。

# 大乘大集地藏十輪經

十卷

唐玄奘譯

今依此本略錄大旨

是經執筆譯文者爲大乘昉師并撰序文冠於經首師謂十輪經者則此土末法之教也何以明之佛以末法惡時去聖遠遠敗根比之坏器空見借喻生盲沈醉五欲類石田之不苗放肆十惡似臭身之垢穢故此經能濯臭身開盲目陶坏器沃石田觀此數言可以略知是經所被之機矣

序品第一 佛在佉羅帝耶山南方雲來兩諸供養演諸法聲衆會手中各各現如意珠雨寶放光見十方土又見身各地界增強堅重難舉有天帝釋名無垢生以頌問佛爲廣歎地藏菩薩功德文云

爾時世尊告無垢生天帝釋曰汝等當知有菩薩摩訶薩名曰地藏已於無量無數大劫五濁惡時無佛世界成熟有情今與八十百千那庾多頻跋羅菩薩俱爲欲來此禮敬親近供養我故觀大集會生隨喜故并諸眷屬作聲聞像將來至此以神通力現是變化是地藏菩薩摩訶薩有無量無數不可思議殊勝功德之所莊嚴一切世間聲聞獨覺所不能測此大菩薩是諸微妙功德



伏藏。是諸解脫珍寶出處。是諸菩薩明淨眼目。是趣涅槃商人導首。如如意珠  
兩衆財寶。隨所希求皆令滿足。譬諸商人所採寶渚。是能生長善根良田。是能  
盛貯解脫樂器。是出妙寶功德賢瓶。照行善者。猶如朗日照失道者。猶如明炬  
除煩惱熱。如月清涼。如無足者所得車乘。如遠涉者所備資糧。如迷方者所逢  
示導。如狂亂者所服妙藥。如疾病者所遇良醫。如羸老者所凭几杖。如疲倦者  
所止牀座。度四流者爲作橋梁。趣彼岸者爲作船筏。是三善根殊勝果報。是三  
善本所引等流。常行惠施。如輪恆轉。持戒堅固。如妙高山。精進難壞。如金剛寶。  
安忍不動。猶如大地。靜慮深密。猶如秘藏。等至嚴麗。如妙花鬘。智慧深廣。猶如  
大海。無所染著。譬太虛空。妙果近因。如衆花葉。伏諸外道。如師子王。降諸天魔。  
如大龍象。斬煩惱賊。猶如神劍。厭諸諠雜。如獨覺乘。洗煩惱垢。如清淨水。能除  
臭穢。如疾飄風。斷衆結縛。如利刀劍。護諸怖畏。如親如友。防諸怨敵。如塹如城。  
救諸危難。猶如父母。藏諸怯劣。猶若叢林。如夏遠行。所投大樹。與熱渴者。作清  
冷水。與饑乏者。作諸甘果。爲露形者。作諸衣服。爲熱乏者。作大密雲。爲貧賤者。

作如意寶。爲恐懼者。作所歸依。爲諸稼穡。作甘澤雨。爲諸濁水。作月愛珠。令諸有情。善根不壞。現妙境界。令衆欣悅。勸發有情。增上慚愧。求福慧者。令具莊嚴。能除煩惱。如吐下藥。能攝亂心。如等持境。辯才無滯。如水激輪。攝事繫心。如觀妙色。安忍堅住。如妙高山。總持深廣。猶如大海。神足無礙。譬若虛空。滅除一切惑障。習氣。猶如烈日。銷釋輕冰。常遊靜慮。無色正道。一切智智。妙寶洲渚。能無功用。轉大法輪。善男子。是地藏菩薩摩訶薩。具如是等無量無數不可思議殊勝功德。與諸眷屬。欲來至此。先現如是神通之相。

菩薩尋與無量眷屬。現聲聞像。來禮佛足。讚歎供養。

佛復因好疑問菩薩。問廣述地藏菩薩無量功德。文云。

佛言。諦聽。善思念之。吾當爲汝略說少分。如是大士。成就無量不可思議殊勝功德。已能安住首楞伽摩勝三摩地。善能悟入如來境界。已得最勝無生法忍。於諸佛法。已得自在。已能堪忍一切智位。已能超度一切智海。已能安住師子奮迅幢三摩地。善能登上一切智山。已能摧伏外道邪論。爲欲成熟一切有

情所在佛國悉皆止住。如是大士隨所止住諸佛國土隨所安住諸三摩地發起無量殊勝功德成熟無量所化有情。

以下廣說地藏菩薩入種種定由此定力令彼有情利益安樂今舉其概列表如下。

令彼佛土一切有情。

皆悉同見諸三摩地所行境界。

隨其所應能以無量上妙供具恭敬供養諸佛世尊。

皆悉同見諸欲境界無量過患心得清淨。

皆得具足增上慚愧離諸惡法心無忘失。

皆得善巧天眼智通等了達此世他世因果。

皆離一切愁憂昏昧。

皆得具足神通善巧。

普見十方諸佛國土。

捨邪歸正歸依三寶。

皆悉遠離後世恐怖得法安樂。

隨念皆得飲食充足。

無不皆得增上力勢。離諸病苦。

隨樂皆得牀座敷具衣服寶飾。諸資身具無所乏少。殊妙端嚴甚可愛樂。

身心勇健。遠離一切怨憎繫縛。和順歡娛。愛樂具足。施戒安忍。勇猛精進。心無散亂。成就智慧。

皆受無量勝妙歡喜。

得無礙智。能修種種清淨事業。

皆得諸根具足。無缺常樂。遠離其心寂靜。

皆深呵厭自惡業過。咸善護持十善業道。生天要路。皆悉發起慈心。悲心。無怨害心。普平等心。更相利益。

安樂之心。

離諸鬪諍。疾疫饑饉。非時風雨。苦澀辛酸。諸惡色觸。



悉皆消滅。

令彼佛土

所有一切小輪圍山大輪圍山蘇迷盧山及諸餘山谿澗溝壑瓦礫毒刺諸穢草木皆悉不現。所有一切衆邪蠱毒諸惡蟲獸災橫疫癘昏暗塵垢不淨臭穢悉皆銷滅。地平如掌。種種吉祥自然涌現清淨殊勝衆相莊嚴。

一切魔王及諸眷屬皆悉驚怖歸依三寶。

一切大地衆寶合成。一切過患皆悉遠離。種種寶樹衣樹器樹諸瓔珞樹花樹果樹諸音樂樹無量樂具周徧莊嚴。

以下又廣說有能至心稱名念誦歸敬供養地藏菩薩摩訶薩者所獲種種利益安樂文云。

隨所在處。若諸有情種種希求。憂苦逼切。有能至心稱名念誦歸敬供養地藏菩薩摩訶薩者。一切皆得如法所求。離諸憂苦。隨其所應。安置生天涅槃之道。隨所在處。若諸有情。饑渴所逼。有能至心稱名念誦歸敬供養地藏菩薩摩

訶薩者。一切皆得如法所求。飲食充足。隨其所應。安置生天涅槃之道。隨所  
在處。若諸有情。乏少種種衣服寶飾醫藥牀敷及諸資具。有能至心稱名念誦  
歸敬供養地藏菩薩摩訶薩者。一切皆得如法所求。衣服寶飾醫藥牀敷及諸  
資具無不備足。隨其所應。安置生天涅槃之道。隨所在處。若諸有情。愛樂別  
離。怨憎合會。有能至心稱名念誦歸敬供養地藏菩薩摩訶薩者。一切皆得愛  
樂合會。怨憎別離。隨其所應。安置生天涅槃之道。隨所在處。若諸有情。身心  
憂苦。衆病所惱。有能至心稱名念誦歸敬供養地藏菩薩摩訶薩者。一切皆得  
身心安隱。衆病除愈。隨其所應。安置生天涅槃之道。隨所在處。若諸有情。互  
相乖違。興諸鬪諍。有能至心稱名念誦歸敬供養地藏菩薩摩訶薩者。一切皆  
得捨毒害心。共相和穆。歡喜忍受。展轉悔愧。慈心相向。隨其所應。安置生天涅  
槃之道。隨所在處。若諸有情。閉在牢獄。杻械枷鎖檢繫其身。具受衆苦。有能  
至心稱名念誦歸敬供養地藏菩薩摩訶薩者。一切皆得解脫牢獄杻械枷鎖。  
自在歡樂。隨其所應。安置生天涅槃之道。隨所在處。若諸有情。應被囚執。鞭

撻拷楚。臨當被害。有能至心稱名念誦歸敬供養地藏菩薩摩訶薩者。一切皆得免離囚執鞭撻加害。隨其所應安置生天涅槃之道。隨所在處。若諸有情身心疲倦。氣力羸憊。有能至心稱名念誦歸敬供養地藏菩薩摩訶薩者。一切皆得身心暢適。氣力強盛。隨其所應安置生天涅槃之道。隨所在處。若諸有情諸根不具。隨有損壞。有能至心稱名念誦歸敬供養地藏菩薩摩訶薩者。一切皆得諸根具足。無有損壞。隨其所應安置生天涅槃之道。隨所在處。若諸有情顛狂心亂。鬼魅所著。有能至心稱名念誦歸敬供養地藏菩薩摩訶薩者。一切皆得心無狂亂。離諸擾惱。隨其所應安置生天涅槃之道。隨所在處。若諸有情貪欲瞋恚愚癡忿恨慳嫉憍慢惡見睡眠放逸疑等皆悉熾盛。惱亂身心常不安樂。有能至心稱名念誦歸敬供養地藏菩薩摩訶薩者。一切皆得離貪欲等身心安樂。隨其所應安置生天涅槃之道。隨所在處。若諸有情爲火所焚。爲水所溺。爲風所飄。或於山巖崖岸樹舍顛墜墮落。其心慴惶。有能至心稱名念誦歸敬供養地藏菩薩摩訶薩者。一切皆得離諸危難。安隱無損。隨其

所應安置。生天涅槃之道。隨所在處。若諸有情。爲諸毒蛇毒蟲所螫。或被種種毒藥所中。有能至心稱名念誦歸敬供養地藏菩薩摩訶薩者。一切皆得離諸惱害。隨其所應安置。生天涅槃之道。隨所在處。若諸有情。惡鬼所持。成諸瘡病。或日日發。或隔日發。或三四日而一發者。或令狂亂。身心顛掉。迷悶失念。無所了知。有能至心稱名念誦歸敬供養地藏菩薩摩訶薩者。一切皆得解脫。無畏。身心安適。隨其所應安置。生天涅槃之道。隨所在處。若諸有情。爲諸藥叉羅刹。餓鬼。畢舍遮。鬼布怛那。鬼鳩呌。茶鬼。羯吒布怛那。鬼吸精氣鬼。及諸虎狼。獅子。惡獸。蠱毒。厭禱。諸惡咒術。怨賊軍陣。及餘種種怖畏事之所纏繞。身心慄惶。懼失身命。惡死貪生。厭苦求樂。有能至心稱名念誦歸敬供養地藏菩薩摩訶薩者。一切皆得離諸怖畏。保全身命。隨其所應安置。生天涅槃之道。隨所在處。若諸有情。或爲多聞。或爲淨信。或爲淨戒。或爲靜慮。或爲神通。或爲般若。或爲解脫。或爲妙色。或爲妙聲。或爲妙香。或爲妙味。或爲妙觸。或爲利養。或爲名聞。或爲功德。或爲工巧。或爲花果。或爲樹林。或爲牀座。或爲敷具。或爲



道路。或爲財穀。或爲醫藥。或爲舍宅。或爲僕使。或爲彩色。或爲甘雨。或爲求水。或爲稼穡。或爲扇拂。或爲涼風。或爲求火。或爲車乘。或爲男女。或爲方便。或爲修福。或爲溫暖。或爲清涼。或爲憶念。或爲種種。世出世間諸利樂事。於追求時。爲諸憂苦之所逼切。有能至心稱名念誦歸敬供養地藏菩薩摩訶薩者。此善男子功德妙定威神力故。令彼一切皆離憂苦。意願滿足。隨其所應。安置生天涅槃之道。隨所在處。若諸有情。以諸種子植於荒田。或熟田中。若勤營務。或不營務。有能至心稱名念誦歸敬供養地藏菩薩摩訶薩者。此善男子功德妙定威神力故。令彼一切果實豐稔。所以者何。此善男子曾過無量無數大劫。於過數量佛世尊所發大精進堅固誓願。由此願力。爲欲成熟諸有情故。常普任持一切大地。常普任持一切種子。常普令彼一切有情隨意受用。此善男子威神力故。能令大地一切草木根鬚芽莖枝葉花果皆悉生長。藥穀苗稼花果茂實成熟潤澤香潔輒美。隨所在處。若諸有情。貪瞋癡等皆猛利故。造作殺生或不與取。或欲邪行。或虛誑語。或麤惡語。或離間語。或雜穢語。或貪或瞋。或復